

EXPOSITIO  
OBSERVATIONUM  
**TRANSITUS VENERIS  
PER SOLEM,**

CAJANEBURGI A:o 1769, D. 3 Junii factarum,

---

QUAM

*Conf. Ampliss. FAC. Philos. in Reg. Acad. Aboënsi,*

PRAESENTE

**MAG. ANDREA  
PLANMAN,**

*Phys. PROF. Reg. & Ord.*

*Nec non Reg. Acad. Scient. Stockh. Socio,*

*Publice ventilandam sifit*

**CAROLUS GEBHARD. WIDQVIST,**

*BOREA FENNO*

In Audit. Maj. Die 26. Maji An. MDCCLXX.

*Horis A. M. Solitis.*

---

A B O Ä

Impressit JOH. CHRISTOPHER. FRENCKELL.



§. I.

*CAYNEBURGI A:o 1762. D<sup>o</sup> 3 Iunii Regis aucti*

**D**um exposituri sumus observationes novissimi transitus Veneris sub disco Solis, quas Celeb. PRÆSES, jussu & cura Regiæ Academiæ Scientiarum Stochholmensis, peregit *Cajaneburgi*, latitudinis  $64^{\circ} 13' 30''$ , & longitudinis Stockholmia orientalioris  $38^{\circ} 40''$  horar. (Videsis *Acta Stockh.* pro A:o 1762, p. 132. & seq.), id nobis injunctum esse censemus, ut, recensitis instrumentis, singula phænomena, cœli, inter observandum, sese exhibuerunt, fideliter enarremus; quo sic patescat, quid in observationibus certum & exasciatum, quidque dubium sit. Quippe vix melius orbi eruditio consulere putandi sunt, qui nude, absque adjectis circumstantiis, momenta sua exhibit; quam qui observationum suarum divulgationem, procrastinant, usquedum eas cum aliorum observationibus conferre licuerit. Ut enim hi suspicionis notam haud effugiunt, observationes, aut prorsus fictas, aut ad aliorum observationes conformatas, publici juris facere voluisse; ita illi in suspenso relinquunt, num rite se habeant momenta capta. Utrinque certe eo gravius peccatur, quo majoris momenti est, in comparatione, parallaxeos Solis investigandæ gratia instituenda, adhibere observationes per omnia comprobatas. Quod divulgationem observationum

num Cajaneburgicarum attinet, ea facta est, litteris ad celeberrimum Astronomum D:um WARGENTIN, qui Reg. Academiæ Scient. Stockh. a Secretis est, jam die 9. Junii, præteriti anni, a Præside datis; adeo ut contactuum momenta in *Actis Stockb.* ejusdem anni 2:di triimestris, atque plenius exposita in *Actis* 3:ii trimestris compareant; quæ tamen hic, una cum circumstantiis atque consecutariis, quorum ibi vix mentionem faciendi locus erat, denuo exhibuisse, haud abs re erit; quo sic uno loco habeantur singula, quæ ad tanti phænomeni observationes Cajaneburgicas pertinent.

## S. II.

Instrumenta, quibus munitus fuit Celeberr. PRÆSES, erant sequentia:

1. Horologium Astronomicum a præstanti artifice ERNST Stockholmensi confectum atque pendulo, ex virgis orichalceis ferreisque composito, instructum.

2. Instrumentum sic dictum Geographicum, (vide ejus descriptionem in *Act. Stockb.* pro anno 1750.), quo toties captae sunt altitudines Solis respondentes ad cognoscendum statum horologii, quoties cœli facies id permisit.

3. Tubus Astronomicus, cuius lens objectiva 21. pedum Svec. atque lens ocularis 2. 9. pollicum distantia foci gaudet. Hoc Tubo Celeb. PRÆSES usus est ad observandos contactus discorum Solis & Veneris.

4. Tubus Astron. sex pedalis micrometro instructus.

5. Tubus achromaticus 3. pedum, diametros objectorum 40:ies augens.

Hæc instrumenta die 30. Maji transferebantur in campanarium, unde liberior prospectus in ortum & occasum Solis patebat. Horologium collocabatur in parte inferiori hujus ædis, loco maxime solido atque firmo, nec non ita seris clavistrisque munito, ut nemini istuc, PRÆSIDE insciente, aditus

pateret. Et ne suspicio quidem minimæ quassationis ædis existaret, cautum erat, ne, die Solis signum in templum datur, nisi campanulam ter quaterve leviter pulsando.

### §. III.

Motum horologii satis uniformem fuisse, plurimæ altitudinum Solis respondentium observationes abunde probarunt; quarum nonnullas hic adduxisse sufficiat, quæ nempe proximis, ante & post transitum Veneris, diebus institutæ sunt.

### Altitudines Solis respondentes.

#### Die 2. Junii

Ante merid.	Alt. Sol. m. f.	post merid.	mer. ad horol.
7. <sup>h</sup> 54. <sup>1</sup> 38. <sup>11</sup>	33. <sup>°</sup> 20. <sup>1</sup>	3. <sup>h</sup> 52. <sup>1</sup> 11. <sup>11</sup>	11. <sup>h</sup> 53. <sup>1</sup> 24. <sup>11</sup> $\frac{1}{2}$
57. 54.	40.	48. 56.	11. 53. 25.

meridies medius ad horol. 11.<sup>h</sup> 53.<sup>1</sup> 24.<sup>11</sup> 45.<sup>111</sup>

Correctio meridiei — 10.<sup>11</sup> 52.<sup>111</sup>

meridies verus ad horol. 11.<sup>h</sup> 53.<sup>1</sup> 13.<sup>11</sup> 53.<sup>111</sup>

Tempus medium merid. veri 11. 57. 34. 6.

### Die 3. Junii observationes hasce elusit cœlum prænubilum.

#### Die 4. Junii

Ante merid.	Alt. Sol. m. f.	post. merid.	mer. ad horol.
7. <sup>h</sup> 51. <sup>1</sup> 26. <sup>11</sup>	33. <sup>°</sup> 20. <sup>1</sup>	3. <sup>h</sup> 52. <sup>1</sup> 52. <sup>11</sup>	11. <sup>h</sup> 52. <sup>1</sup> 9. <sup>11</sup>
54. 37.	40.	49. 40.	11. 52. 8 $\frac{1}{2}$
merid. med. ad horol.		11. <sup>h</sup> 52. <sup>1</sup> 8. <sup>11</sup> 45. <sup>111</sup>	
Correctio merid.		— —	9. 45.
merid. verus ad horol		11. <sup>h</sup> 51. <sup>1</sup> 59. <sup>11</sup> 0. <sup>111</sup>	
Temp. med. merid. veri		11. 57. 53. 24.	Plures

Plures capere altitudines Solis respondentes inhibebant, his  
diebus, nubes in primis post meridiem.

### Die 5. Junii

Ante merid.	Alt. Sol. m. f.	Post. merid.	mer. ad horol.
8. <sup>h</sup> 43. <sup>1</sup> 37. <sup>11</sup>	38. <sup>°</sup> 40. <sup>1</sup>	2 <sup>h</sup> 59. <sup>1</sup> 22. <sup>11</sup>	11. <sup>h</sup> 51. <sup>1</sup> 29. <sup>11</sup> $\frac{1}{2}$
50. 47.	39. 20.	52. 13.	11. 51. 30.
58. 4.	40. 0.	44. 55.	11. 51. 29. $\frac{1}{2}$
9. 1. 50	20.	41. 8.	11. 51. 29.
5. 39.	40.	37. 19.	11. 51. 29.
<hr/>			
merid med. ad horol.			
Correctio merid.			
<hr/>			
merid. verus ad horol.			
Temp. med. merid. veri,			
<hr/>			

merid. verus ad horol.      11.<sup>h</sup> 51.<sup>1</sup> 21.<sup>11</sup> 25.<sup>111</sup>  
 Temp. med. merid. veri,      11. 58. 3. 30.

Ex comparatione itaque meridiei veri ad horologium &  
tempus medium.

Diei 2 cum 4 erit retard. horol. spatio diei Sol. med. = 47.<sup>11</sup> 5.<sup>111</sup>  $\frac{1}{2}$   
 cum 5 - - - - - = 47. 17.<sup>1</sup>  
 Diei 4 cum 5 - - - - - = 47. 41.

hinc per medium erit diurna hæc retardatio = 47.<sup>11</sup> 21.<sup>111</sup>

Proinde calculo subducto, habetur, per medium die 3 Ju-  
nii meridies verus ad horologium 11.<sup>h</sup> 52.<sup>1</sup> 36.<sup>11</sup> 16.<sup>111</sup>

### §. IV.

Dum dies rarissimi phænomeni elucebat, omnia parata e-  
rant ad excipiendam Venerem, cuius videndæ spem eludere  
minabantur nubes imperviæ, Solem, a hora 10:a matutina ul-

tra 9:am vespertinam, abscondentes; sed quæ tamen, die in vesperam jam multum inclinato, hinc & inde dehiscere seu rimas agere occœperunt. Per hujusmodi rimam margo Solis superior se conficiendum præbuit

Temp. hor.	Temp. ver.	
9.h 1. <sup>1</sup> 0. <sup>11</sup>	9.h 8. <sup>1</sup> 37. <sup>11</sup>	Dum Venus parte diametri suæ circiter tertia, eidem Solis margini quasi incisa videbatur; ex quo momento Sol per integra 20. <sup>1</sup> splenduit

Temp. horol.	Temp. ver.	
9.h 13. <sup>1</sup> 7. <sup>11</sup>	9.h 20. <sup>1</sup> 45. <sup>11</sup>	facta est PRÆSIDI immersio Veneris totalis in Solem: nam hoc puncto temporis fascia ista nigra, quæ ex margine Veneris ad Solis marginem temet extendebat, disrupta est medio, cum ibi notabiliter gracilior facta esset, quam ante 8 <sup>11</sup> erat, Solisque margo coaluit, nec non Venus lumine Solari undique circumfusa apparuit.

Instrumento Geographico dein rite constituto, cuius singulæ verificationes (lege de his *Acta Stockb.* pro A:o 1750. p. 34. &c.) pridie repetebantur, unica duntaxat observatio successit, nonnullis aliis incassum peractis, ob variatum interea situum instrumenti verticalem; nempe,

Temp. horol.	Temp. ver.	
9.h 19. <sup>1</sup> 16. <sup>11</sup> $\frac{1}{2}$	9.h 26. <sup>1</sup> 55. <sup>11</sup>	margo ♀ austr. ad filum horizont.
9. 19. 30 $\frac{1}{2}$	9. 27. 9.	margo ♀ occid. ad filum verticale.
9. 19. 54.	9. 27. 32.	margo ☽ bor. ad filum horizont.
9. 20. 25.	9. 28. 3 $\frac{1}{2}$	margo ☽ orient. ad filum vertical.
		Hoc facto, Sol occidens nubibus iterum

iterum absconditus est, neque oriens resplenduit, antequam.

Temp. hor. Temp. ver.  
15.<sup>h</sup> 13.<sup>m</sup> 0.<sup>s</sup> 15.<sup>h</sup> 20.<sup>m</sup> 47.<sup>s</sup>

dum pars diametri Veneris plusquam tertia extra discum Solarem porrecta videbatur.

15.<sup>h</sup> 24.<sup>m</sup> 39.<sup>s</sup> 15.<sup>h</sup> 32.<sup>m</sup> 27.<sup>s</sup>

Emersio Veneris totalis contigit, id quod exacta observatione obtinuit Celeb. PRÆSES, Sole jam nubibus erépto: etenim hoc momento ultimum vestigium Veneris in margine Solis, quod referrebat litarum quandam cuspidi similem, evanuit; quo facto, eidem margini undulatio restituta videbatur. Erat enim undulatio marginum Solis & Veneris circa tam emersionem, quam in primis immersionem notabilis.

15.<sup>h</sup> 24.<sup>m</sup> 36.<sup>s</sup> 15.<sup>h</sup> 32.<sup>m</sup> 24.<sup>s</sup>

D:o UHLVIJK, in tubo achromatico 3 pedum, limbus Veneris limbum Solis relinquere videbatur.

### §. V.

Ut jam calculo eruamus unum alterumve præcipuum momentum, ex allata observatione appulsus marginum Solis & Veneris ad filum verticale & horizontale; e Tabulis Astron. seqventia elementa elicienda erant: nempe motus horar, Veneris in longitudinem 3.<sup>°</sup> 57.<sup>m</sup> 48, & in latitudinem 35.<sup>m</sup> 42; unde motus horar. Veneris in semita apparenti 4'; atque inclinatio hujus semitæ ad Eclipticam = 8.<sup>°</sup> 29' quam proxime; deduc-

deducitur etiam ex tabulis ang. positionis = 7. 3'; distantia Telluris a Sole = 101514; distantia Veneris a Sole = 72627; adeoque distantia Veneris a Tellure = 28887. Assumpta itaque parallaxi horizontali Solis = 8", 3; erit parallaxis horiz. Veneris = 29", 17; quare parallaxis Veneris a Sole. = 20", 87. Posita quoque diametro Veneris = 57", 5; atque cum Celeber. DE LA LANDE, diametro Solis = 31. 34"; prodibit, calculo subducto ad methodum JSLEANAM, latitudo Veneris borealis e centro Telluris spectata = 11. 37", 7; atque differentia longitudinis centrorum Solis & Veneris = 9. 21', 1, tempore nempe observationis; unde, ope motus horarii Veneris in longitudinem & latitudinem, eruetur momentum conjunctionis quoad Eclipticam 11.<sup>h</sup> 49'; & latitudo Veneris isthoc momento = 10. 14"; nec non distantia centrorum Solis & Veneris minima = 10. 7", 3. Sed quia allata observatio, per limborum Solis Venerisque undulationem nec non ipsius instrumenti indeolem, ad debitam exactitudinem obtineri haud potuit; nec elementa inde deducta, pro certis venditare audemus, in primis cum momentum hoc conjunctionis sibi vix constare potest. Aequum proinde est, ut in eadem elementa, per moram inter immersionem & emersionem totalem, ulterius inquiramus.

## S. VI.

Mora temporis immersionem inter & emersionem totalem (§. IV.) efficit 6.<sup>h</sup> 11. 42", que, effectu parallaxeos 11. 12", 8 multata, ut ad centrum Telluris reducta habeatur, & in partes gradus conversa, præbet basin trianguli = 24. 14", 95, cajus crurum alterum differentiam, alterum summam semidiagrammetorum Solis & Veneris constituit. Recta in basin, ex angulo opposito normaliter demissa, efficit veram distantiam centrorum Solis & Veneris minimam, que, facta supputatione, habetur = 10. 13." 5; unde, per elementa §. præc. deducitur momentum conjunctionis quoad Eclipticam 11.<sup>h</sup> 55. 20"; nec non latitu-

latitudo *Veneris Geocentrica* in Sole hoc momento =  $10.^{\circ} 20''$ , 29.  
 Cum autem hæc & §:i præc. momenta inter se notabiliter  
 differunt; rem ad aliorum tam contactuum quam immediatas  
 obſervationes exigere omnino convenit. In quem finem ad  
 calculos revocabimus contactuum obſervationes, ad *Hudsons Bay*,  
 latitudinis  $58.^{\circ} 47' 30''$ , institutas; quippe quæ, nostro  
 quidem judicio, omnino integræ atque exactæ censendæ sunt.  
 Contactus interior immersionis  $1.^{\text{h}} 15' 25''$ ; interior emersionis  
 $7.^{\text{h}} 0' 49''$ , atque exterior emersionis  $7.^{\text{h}} 19' 21''$ , ex obſervatione DUMONDIANA, ibi contigit. Hinc itaque mora Ve-  
 neris intra Solem, effectu parallaxeos, quem obtinuimus =  
 $3' 38''$ , imminuta, dabit, calcuло subducto, veram distantiam  
*Veneris minimam a centro Solis* =  $10.^{\circ} 13''$ , 2. Eadem hæc  
 distantia, ex mora inter immersionem & emersionem totalem  
 ibidem obſervata & effectu parallaxeos  $3' 26''$ , 3 multata,  
 obtinebitur =  $10.^{\circ} 13''$ , 43; unde consensus harum obſervationum tam inter se, quam cum meis contactuum obſervati-  
 onibus, sub hypothesi parallaxeos (§. præc.) assumtæ, mani-  
 festus est. Immediata obſervatione capta est, ad *Hudsons Bay*,  
 Veneris distantia minima apparens a centro Solis =  $9.^{\circ} 54''$ ,  
 quæ effectu parallaxeos  $11''$ , 55 aucta, dat veram distantiam  
 min. =  $10.^{\circ} 5''$ , 55. *Noritonii* in *Pensylvania* ad latitudinem  
 $40.^{\circ} 9' 56''$ , immediata quoque obſervatione, æstimata est  
 distantia minima apparens =  $10.^{\circ} 1''$ ; quam, corrigendo ef-  
 fectu parall.  $6''$ , 8, obtinetur vera distantia min. =  $10.^{\circ} 7''$ , 8. Hanc confirmat obſervatio Celeb. Professoris WINTHORPII,  
 ad latitudinem  $42.^{\circ} 25'$  in *Nova Anglia* instituta & distantiam  
 min. apparentem =  $9.^{\circ} 59''$ , 7 exhibens; quippe quæ correcta  
 dat veram distantiam min. =  $10.^{\circ} 7''$ , 6. Congruunt itaque  
 ultima hæc momenta cum nostro (§. V.); quod autem notabile  
 adeſt diſcrimen inter hæc atque ista, quæ ex mora deduximus;  
 id præter opinionem cecidiſſe minime censebit, qui animad-  
 verterit ad effectum atmosphæræ Veneris in coarctanda mora  
 ipsius intra Solem. Sed restat, ut determinetur momen-  
 tum temporis, quæ *Venus Cajaneburgi* incepit emergere: as-

sumta itaque distantia Veneris minima a centro Solis = 10.<sup>h</sup>  
 9'', quæ medium fere locum tenet inter singulas, quas suppau-  
 tavimus; obtinebitur mora Veneris emergentis in margine  
 Solis e centro Telluris spectata = 18.<sup>h</sup> 48''; hæc autem, ob  
 parallaxin, mulctanda est 20'' (posita Solis parallaxi = 10'',  
 foret effectus parallaxeos in moram hanc = 24''), ut ha-  
 beatur ista mora, quæ Cajaneburgi conspicienda fuisset. Sub-  
 ductis itaque 18.<sup>h</sup> 28'' a momento emersionis totalis 15.<sup>h</sup> 32.  
 27'' (§. IV.), erit residuum 15.<sup>h</sup> 13.<sup>h</sup> 59'' momentum tempo-  
 ris, quo initium emersionis factum est Cajaneburgi.

